

永麻實錄卷十五

船山遺書二十六

衡陽王夫之撰

李來亨列傳

王光昌

王光興

郝永忠附

李來亨始以降附功授總兵官都督同知既而封□□侯
永麻五年高必正率党守素賀錦及來亨自黔走蜀爲孫
可望所遮殺獨來亨力戰得脫必正諸軍受併於可望良
久或逸去皆依來亨來亨所部尙數萬人自黔東北走入
巴歸聞王光興者與其兄光昌皆起羣盜崇禎十二年降
於熊文燦已隨鄖撫王夢尹守襄陽歷戰有功襄陽陷光
昌兄弟與荆西道徐啟元死守鄖陽李白成攻圍泇歲堅

守不下往往挫自成軍宏光元年吳三桂以□兵追自成
繇漢中東出荆西三桂馳檄召起元光昌會師勦賊光昌
困賊圍中匝兩載不知南北情形猝得三桂檄猶意爲大
明興復欣然舉兵赴之既見三桂乃知已移明祚顧弗能
前卻不得已慟哭剪髮附於□光興方城守見光昌陷遂
乘其軍走屯房縣依山自固與□所遣守鄖者相持十餘
年大小百戰不下上卽位於粵遣閒使齎表詣行在特勅

元興總兵官都督同知封南漳伯光興孤軍懸漢北拒
苦糧鹽布縷無所取給時往來鄖襄荆夔開攻下州

夔襄之南至夷陵迎大學士交安之侍讀黃燦督理其

軍已而劉體澹郝永忠先後自湖南來永麻六年來亨聞
關亦至遂與光興連砦相犄角巴巫之間萬嶺插天中有
僻壤曰九蓮坪來亨據之大起營舍建帥府其上稍招居
民與士卒雜處光興屯江南永忠體澹屯其西安之既薨
燦亦卒羣帥推僉都御史毛壽登監督聯絡遙稟正朔孫
可望既叛降上居雲南李定國遣使開道四出聯絡諸故
將來亨亦遣使詣定國相結納定國報饋殷勤承制晉來
亨光興體澹永忠爵皆上公來亨等勢稍振屯耕山田歲
收麥粟草綿供糧食衣履亦私遣人市鹽鐵荆西居民或
與往來市販來亨等亦不奪掠唯截長江邀抄□官吏歸

帑及遠商聞四出剽殺南漳房竹及夔東鄙□楚蜀守將不能禦居數年定國敗□人宣上凶問以招來亨等來亨不應方會諸帥議求宗室輔立之而光興意移密遣人詣乞降光興久據荆西來亨等皆以殘餘遠附居久之勢出光興上主客不相浹而安之燦先後物故壽登庸誕無忠義志不能輯和諸將顧潛有乞活心故從與光興叛眾納款而來亨之勢孤矣光興自崇禎十六年來未嘗一繇朝廷鼓勵轉戰寇□開垂二十年天下想望其氣義晚節不終以速李來亨之敗故聞者莫不惋惜之光興既降□遂大舉兵攻西山癸酉春□楚督張長庚自夷陵進蜀將

李□□自夔門夾攻之楚兵入九蓮坪來亨退據山砦□
兵不能進來亨盡誘其兵入乃使其兵薙髮雜負販中入
□兵營良久盡得其虛實來亨自砦發兵下攻□兵方迎
戰頃□營中忽揭大旗號呼起火發燕營舍□兵亂來亨
縱兵乘之□兵大潰殺傷萬計長庚走保夷陵蜀兵亦爲
郝永忠所敗楚蜀震動□乃遣□兵數萬分從楚蜀逼諸
砦立壘圍困之盡起楚蜀丁夫輓糧赴軍爲持久計來亨
屢下砦索戰皆堅壁不應來亨乃窘甲辰春蜀兵攻體潛
永忠皆陷下之體潛永忠死來亨糧亦灑絕而□兵督輓
運丁夫死者積崖谷益峻法歐里民三千里外詣軍負輓

披蓑笠緣絕巘峭壁蠶行延綿彌望不絕來亨知不能久
存會諸將飲大哭分遣逃散來亨母老矣其中表舅有爲
□將者曾招來亨降不應至是乃遺書以其母託之遂舉
火焚砦與妻子親信投火中死來亨部凡三萬餘人來亨
死或死或逸去就俘執者百五十人而已餘眾散入秦蜀
山中不知所終來亨敗沒中原無寸土一民爲明者唯諸
鄭屯海外

郝永忠者李自成別部之偏校也初爲賊大旗手號郝搖
旗未有名旣降於何騰蛟易其字曰遙期已而思文皇帝
賜名永忠永忠當李自成之嬖也殺其主將而奪其室故

李高諸部惡之永忠無所容傾心附騰蛟以自安騰蛟深
委信之有眾萬人馬三千匹騰蛟厚給其糈李高諸部渡
江而北永忠畱長沙騰蛟爲題授總兵官都督同知爲援
勦右部張先壁爲左部隆武二年思文皇帝惡鄭芝龍欲
出楚甚日促騰蛟迎蹕騰蛟固無迎意姑遣永忠名扈蹕
發衡州稱取道郴州趨贛騰蛟密諭意令勿必往永忠至
衡州次且不進爲暴於衡郴間凡三閱月而始達郴思文
皇帝凶問已至永忠遂返兵聞桂陽州之險趨據之州人
畏其暴掠城守不納永忠攻破之屠其城磔殺前羅平知
州夏九庚流血染衢嬰兒婦女無免者騰蛟不問覆爲榜

數桂陽士民之罪爲永忠飾惡永忠益無所戢永_麻元年
湖南陷永忠躡入桂林止在桂林騰蛟爲請封遂封南安
侯全州陷廬鼎焦躡東西支守永忠遠返兵大掠殺走柳
州去明年陳友龍復黎靖武寶將出長沙騰蛟以私憾嗾
永忠攻之楚西南千里閒掠殺幾空永忠從無一矢功唯
殘毀內地屠士民尤爲諸將所惡給事中金堡請因人心
之公憤下詔討之朝廷旣不能用而憚騰蛟之護愛之也
爲下詔切責堡已而騰蛟陷沒永忠遂自爲軍奏報皆絕
永_麻四年掠武岡西走自沅鎮益北達楚蜀界會劉體_潛
於荆西體_潛雖雅惡永忠而以孤懸故相倚已而北出房

竹至南漳野掠而食轉徙無恆承歷十一年馳入襄陽城
中□守者驚走聞一日□援兵至復退入南漳山中□盛
兵扼鄖襄永忠體瘠不能出食且絕復南會李來亨王光
興結砦于巴巫之西山壬寅王光興降□□大發兵楚蜀
夾攻之永忠敗歿

永歷實錄卷十五終

永麻實錄卷十七

船山遺書二十六

衡陽王夫之譏

晏黃二劉列傳

子需明錢秉鑑等傑蔡之俊

管嗣裘黃公輔

朱昌時附陳世

晏清字元洲湖廣黃岡人中萬曆己未進士寬和樸易不

立皦皦之名而獨操不亂釋褐授吳江知縣以廉能上最

擢吏部驗封司主事天啟開忤魏忠賢削籍歸里崇禎初

用原官起用時諸以忤瑞去者皆競起驟登清顯而清高

臥不赴召徘徊十餘年徵旨屢下乃起歷驗封司郎中資

望最深應主銓政吳昌時著當清令吳江時以諸生為清

所拔賞及是因周延儒結太監王化民躡入吏部遽掌銓

政居清上忌清雅望畏物論之不容也輒用年例奏遷清
爲廣東鹽法道僉事清在吏部十八年矣卽外遷亦當得
副使昌時欲重抑之纔改五品清顧夷然安之昌時誅廷
論欲召清清居嶺外兩載未嘗通一函于燕邸遂不得召
宏光元年量擢尙寶司卿隆武二年再遷太僕寺卿皆不
赴時江黃淪陷清解官僑寓海北翱翔無宦情上卽位擢
吏部左侍郎辭不至已而李成棟破廣東清避地潯南上
在南甯擢吏部尙書敦趨入陛見以足疾不能朝請力辭
上益嚮用之特旨免朝參專理銓務不獲辭乃受事清恬
澹簡易以病不見客門無私謁行在翕然推重吳貞毓以

主事躡吏部侍郎趨權利深忌清而無能與競乃自請視
師嶺上去時江楚避難出者爭稱起義求進屐履相接牘
滿公車朝廷無能辨清知其誕爲分別用舍羣不逞者皆
怏怏造蜚語謂吏部懸榜有破家起義全髮劭節八字見
之令人欲噦語貞毓倡言如此則流傳江楚解散人心爲
禍不小以搖動清然清實無此語而公清爲端士所推重
貞毓無能如何也銓郎施兆徵頗通苞苴扞格清所爲清
以持重沮抑之兆徵斂而改節永_曆四年笑貞毓爲戶部
尚書與王化澄相表裏以逼清清屢乞骸骨疏上猶未許
會詔獄起清諫不聽遂移病不起拜表卽行居潯州未幾

卒年七十有三子霽明

霽明字雲章少以文名於楚思致詔令與麻城曹允昌相
頡頏尤工爲詩清茂有遠致兩赴鄉舉未第補貢隨父宦
嶺外永麻二年授太嘗寺博士四年進儀制司郎中安雅
遠權勢傲菴居閉戶讀書非朝參不出扈蹕至梧州病卒
上之立也朝廷草創文物簡略詔令鮮所緣飾閒關楚粵
侍從零落及幸肇慶四方收復頗仍人士稍集瞿式耜留
守桂林尤加意延恤一當品藻卽予奏薦操觚勝流日以
賓集安慶錢秉鐙詩體整健宜興李來年少善組飾皆授
庶吉士蘇州汪郊吳中病學也官吏部主事三原溫溥知

強識有才思官禮部員外而楚士之以文名者則霽明與
孝感彭焱稱焉焱思致明敏工行草書官兵部郎中其制
誥撰文則編修安福王華玉中書舍人吳縣吳其靄禮部
主事休甯吳霖待詔仁和姚端亦皆彬彬焉華玉晚歸隱
註易其靄擢兵科給事中監桂林軍桂林陷不知所終或
曰歿于陣霖改給事中爲孫可望所殺

黃奇遇字□□廣東東莞人中崇禎戊辰進士選庶吉士
改編修歷官少詹事上卽位于肇慶召用未赴時廣東諸
薦紳何吾騶黃士俊李覺斯葉承裕郭之奇曾道唯與蘇
觀生比立唐王聿錫詡擁戴功盡力西犯及□兵猝至城

門不守唐王見殺觀生殮諸擁戴者皆驚靡就李成棟乞
降所不與觀生比者曰至亦遁海濱不屈然廣州仕宦林
立能自立節槩者唯奇遇與大學士陳子壯春坊張家玉
簡討陳世傑副使黃公輔推官陳子升舉人黃維嶽而已
成棟駐廣兩載子壯家玉皆殉難購捕奇遇頗急郭之奇
與同井里鄉會試皆齊年忌奇遇異己尤思陷之奇遇因
匿海島得免永麻三年成棟反正上幸肇慶乃召奇遇擢
詹事府詹事禮部左侍郎掌部事充經筵講官奇遇端和
凝重進止有度爲上所優禮時江楚漸次收復所在以捷
告有張充美者自吳來僞作吳三桂奏言舉三秦反正迎